


蘭亭主人鑒定



猗園四種

五虎記 四友記
三世記 雙兔記





五虎記



五虎記引



思夫聲音莫變昉在昔之淵源詞
 出多門有遞更之製作齊梁樂府羣
 稱俊逸之才唐宋倚歌共羨綺羅之
 什然而煙雲滿紙悉烏有之鋪張青
 紫盈篇半卮言之蘊蓄清狂艷曲考
 之盡屬子虛輕薄初教按去都非

實語未有討論前史班班之引据非夸
採摭遺文奕奕之聲情並茂如五虎
記者也惟我

主人體高世之才華賦殊人之資稟文
成珠玉筆奮嵩華韓潮既汨汨而
來蘇海六滔滔並注溢茲餘墨姑作
譜於梨園證厥曩時實仿情於正史

事則當五德之年紀則括興唐之代嗟
乎耳聞絲竹豈必在妖艷新聲目窺
穉瑜快然覩英雄舊態雲書高館
經綸八斗之長才野服竊臨慷慨一時
之壯志太原遺事憑健筆以填來穀
洛竒踪命鸞笙而譜出源源泳泳
志噌吰鞞鞞之聲正正堂鮮歷

落嶽崎之語詞非寄託原有所本而
然義比興觀豈是無因而作是則掃人
間之飛句不同清淡閑談訂流俗之
訛傳非比夢華較事所以紅牙初按
捧來讀媿于玉筠檀板輕敲吟去文
高於宋玉惟是聊為爾爾假暇日以
舒懷我亦云云借餘情而游戲譬綵

雲之飛碧落卷舒本出於無心若銀
海之生紫瀾浩蕩仍歸於何有良非
末學得仰高深愧是褊才難窺大雅
敬弁鄙語殊非記室之文華請綴俚
言用識躬編之風雅云尔

乾隆四十一年歲次丙申六月中澣
門下士程蔭棟拜手敬撰序書



五虎記題辭

其一

桐城

姚鶴

夢穀

虬鬚武帳挂雕弓
環甲環來虎將雄
鬚鬚
凌烟生面出秦箏
花底按東風

其二

三千殿脚昔人曾
玉貌雖多看
不勝若使
秦王宮女在
只添垂涕望昭陵

五虎記

上卷目錄

第一齣	緣起	第二齣	興師
第三齣	議降	第四齣	起信
第五齣	來歸	第六齣	拜關
第七齣	勞軍	第八齣	奪槩
第九齣	夜追	第十齣	敗賊
第十一齣	良川	第十三齣	鬪勇
第十三齣	收恭	第十四齣	釋放
第十五齣	陳情	第十六齣	征洛

第七齣

聽訟

第六齣

窺城

第九齣

退眾

第十齣

飛捷

第三齣

計取

第三齣

較勇

第三齣

爭勝

下卷目錄

第二齣

宴辱

第五齣

助洛

第三齣

諫夫

第七齣

野賀

第二齣

射從

第六齣

講和

第三齣

取馬

第三齣

計議

第三齣

陳兵

第三齣

大戰

第三齣

擒寶

第五齣

歸命

第三齣

祭友

第七齣

天策

第三齣

書葉

第九齣

拾葉

第四齣

瀛洲

第四齣

放女

第四齣

文會

第四齣

思纊

第四齣

武會

第四齣

封虎

第四齣

家宴

五虎記

卷之上

第一齣

副末上唱

緣起

買

西江月從來與邦烈士應知
猛勇難尋攻城略地
定乾坤那個離了戰陣
啣杯場上閒看愛他英勇
莫論唐家五虎果超羣
寫來且驚衆論

沁園春長孫王妃秦王千歲
因慕勇士得了個五
虎待如兄弟秦瓊叔寶
插鎗飛騎羅家士信孩兒
兵將耍笑着把千金取尉
遲恭勇往更直前赤手
臨敵志元捷健如飛王君廓
萬衆皆不避這般的
勇士誰堪爲比更仁慈將
三千怨女放出宮內落



紅一葉詩落征衣兩定姻緣無改移瀛州士值班
天策府同詠新詩白正是五人英勇定乾坤因得
秦王相見親怨女三千皆放却何人不說太平君

下

第二齣

生扮秦王二內侍隨上

興

師

南

縵山月陳兵起太原征勦敢直前逞威風掌乾坤
干戈整三年奈烟塵未服何時得滅求將惟難引
太原公子有威名招亡納叛起雄兵收取長安功
業在潼關一戰萬人驚思猛士聚豪英要把烟塵
盡蕩平丈夫功立寰宇內意在蒸民得宴寧孤家
秦王世民幼好勇力兼嗜詩書恐立身于人下欲
求名於萬載前因隋末天下大亂爲救劉文靜殺
了天使勸君父據晉陽而興師潼關一戰與長公
主會兵共取長安立成基業拱手介父皇身登九

五虎詩卷上
五
五初封孤爲趙王尋改秦王之爵想父皇大恩何
可酬報是以奏明聖上領兵征勦未定他邦先平
世充今欲興師不免與妃子一別內侍內應介有
生請王如上殿內請王如上殿旦長孫如上二侍
女隨上唱

綏山月坤順處幽嫺載物荷承天性和順心喜后
妃賢幸琴瑟和調夫妻雍睦共樂門闌白妾身長
孫氏身配秦王樂閨門之和睦慶關雎之有年昨
聞王駕出師東鄭特備酒宴前來送別內報介王
妃駕到相見各行禮介旦昨聞王駕興師欲伐東

鄭妾身已命內侍備得酒宴與王駕送行生王妃
孤家此去不知何日方平寇盜念琴瑟將分欲請
王妃一敘既有酒宴我夫妻大家暢飲一番以作
別况有何不可旦內侍們內有旦酒宴可曾齊備
內齊備多時了旦擺宴上來妾與王駕餞行內應
設酒各入坐序禮介旦大王此去但願早除賊寇
以奮天威飲此薄酒聊壯行色生生受王妃了孤
家此去呵唱

錦纏道定江山整頓乾坤掃淨河南烟塵各拒關
十八路聚雄師自占一天寶建德漳南爲患劉武

周山後盤旋世充滑更奸霸占那隋世舊家園除
却始能安兵戈動何日得閒費多少鐵衣來爭戰
旦白王駕此去惟有冷煖天氣更當小心最是征
人苦楚真正一言難盡但願振旅早旋以慰妾心
懸望耳內急稟介今有大將王君廓段志元求見
生如此王妃暫且迴避着他二人進見旦暫下副
淨王君廓副末段志元上王手把彤弓萬里征段
英雄浩氣塞長空王丈夫功業威名在段要把河
南一掃平副淨某姓王名君廓并州石艾人也副
末某姓段名志元齊州臨淄人也副淨昨奉王命

挑選軍士今已將兵馬選得完備同來回覆王駕
進見介臣等願吾王千歲千歲千歲生爾等選
得兵馬可曾齊備王段臣等選得精壯兵馬共是
五萬兼有元甲軍三千盡皆齊備來日卽是良辰
正好興師因此特來請駕全唱

刷子序五萬健男元甲軍又復有三千刀兵羅列
擺列着如虎桓桓電閃盔甲鮮明多壯盛映日色
熒熒光燦白臣二人呵唱已稟過突通屈帥更見
過上將開山生白既然如此來日興師便了王段
報得兵精王駕喜可將此事稟將軍下旦復上相

見介曰方纔二將所稟何事生他二人前來報到
兵馬已曾齊備請孤家來日興師旦如此王駕暫
請歇息一宿明日起身便了暫下淨屈突通外殷
開山率衆王段二人隨上淨旌旗一展掃狼烟外
千里行師此日間衆天兵征勦賊宵遁全憑英勇
定江山淨某屈突通是也外某殷開山是也淨今
當良辰吉日兵將盡皆齊備道言未了王駕來也
生上英雄大展乾坤手要把河南一掃平衆見介
生大帥我等興師之際勇將甚少除王段二人更
有誰乎淨古有云一人捨命萬夫難當苟王段二

將若肯効死盡忠又何必多求猛士生咳元帥唱
刷子玉芙蓉此事最難言他二人雖然肯効敢勇
直前奈無人相助一進呵何人再援堪歎英雄少
立業果艱他那裏單雄信勇敢無邊我這裏雖有
志元君廓同伴攻取恐徒然外白這是大王愛
將之心忒也懇切但四海之內何地無賢我輩一
半興師一半訪取那時自有英雄前來歸順也生
如君此言正合孤意就此大家起行便了內鼓樂
衆兵擺陣行介全唱

雁過沙幾陣西風前衰草沒寒烟整軍旅竟出潼

關旌旗蔽日人驚罕陣雲殺氣列斑斕一旦長驅
驚破膽生白你看已出函谷名關好一派景色也

唱

尾聲壯哉函谷名關又見那九曲黃河一轉灣衆
唱對着這三省鷄鳴驚曉夢望龍門積石只在坐
中看生白衆軍士就此安營下寨衆應介全下

第三齣 未扮秦叔寶上

議 降南

引壯志凌雲貫太虛那知不遇與當時奔波半世
無人問滿目愁懷欲訴誰白自家姓秦名瓊字叔
寶平陵人也少懷壯志欲立功業于一時長多奔
競誰知流落于半生自當日來護兒帳下爲兵張
須陀庵前作將失身于李密委質于世充往返流
離終不遂丈夫之志時當天下大亂又不知何方
才是真主歎介我想男兒當功垂竹帛名留寰宇
方起豪傑之心誰知東竄西逃並無一個歸着如
何是了怒介想昔日樊噲以屠狗之夫爲麟閣上

將況我秦瓊祖父皆爲名將反到身落泥塗思量
起來好不傷感人也唱

一剪梅萬條心事幾能言解意爲難滿目愁煩含
情凝對洛陽天風也心酸雨也心酸白我想對此
巫姬之徒幾時方是出頭之日唱

太師引自生來多勇敢干城將今古同歎枉自裏
凝眸長嘯碧雲天只落得東逃西奔難安俺可是
吐虹霓青萍劍並無個塵中搜取名雷煥君子何
時方豹變徒作了啾啾鶯雀枝頭喚白我想世人
誰識英雄人語鴉聲自當不辨雖有猛虎之資反

卑其不能鼠竊小知大受能解者誰歟今日羅賢
弟郊外閒遊也是一團怨氣想那邴元真讒諂面
諛到處人皆喜悅看來小人果有動人之智似正
直公忠反成無用待羅弟來時大家共議一個出
身之處纔好小生扮羅士信衆旌旗隨上唱

一剪梅百般英勇力拔山到處難安心緒無端一
時回首望家山心也難寬意也難寬白自家姓羅
名士信般陽人也閑住洛陽終朝鬱悶今早平原
圍獵又未打得一物不免回去與秦家哥哥敘談
片時便了進見相揖介衆下末白賢弟你自今早

出圍可曾打得多少牲畜小生哥哥洛陽城外盡是平川之地水多山少並無甚麼牲畜小弟所以素手而回末如此說賢弟空勞苦了半日各歸坐
介小生哥哥我看你這幾日心神飄蕩似有何心事何不與小弟說之末賢弟你我作丈夫的人不知何者爲先小生功業爲先末可又來似你我初到東鄭王公是如何相待自邴元真一來將你我竟置之閑地了小生哥哥我也正爲這個事情終日鬱悶想那邴元真不過能言善辯隨意奉承而已他又有何奇才異能高出我輩之上末看起來

王公也非命世主也唱

大勝樂論待人本無偏沒高低如何向前似今朝把你我來嫌異日裏豈有好心田到不如將他棄閃他若如此人怎全士爲相知死也怎便求一個明主大家心安小生哥哥言之有理我輩昔在隋家尙有個一官半職自這幾年東奔西逃終無個歸着似此天下荒荒十八處皆有年號不知誰是真主我輩欲立功業要當尋個明主纔是末自我看來別處都非真主惟有長安唐家自太原起義西定八水從不曾多殺無辜古有云不嗜殺人者

能一之此處尙可小生唐公爲人也未見得甚正
只因次子李世民自作公子時卽懷大志至于晉
陽起兵之際皆秦王之謀也若依哥哥所見到是
唐家待人還好末如此你我何不私出洛陽大家
前去歸服便了小生哥哥且住小弟有一言奉稟
末但說何妨小生依小弟看來哥哥乃天下奇男
子輕于去就恐有玷你往日英名況哥哥又有家
屬古人云頽白者不負戴小弟只是孤身一人何
妨先去歸順看唐家待人如何那時哥哥再作去
就可也末如此說賢弟又得費心了小生見

幾而作不俟終日明日小弟仍作打獵模樣出城
先去便了唱

繡衣郎王公行事忒曲彎你我行今生怠慢因此
難安有了個那元真悅意趨顏看英雄特地等閒這
事兒教人怎前不如前向八水長安不如前向八
水長安末唱

前腔我輩們昔日同來到此間立功名應想等閑
一心不安看東鄭忒也心偏棄却他教人情願這
話兒且在心田待等看個機便待等看個機便丑
扮程智節暗上竊聽介小生白哥哥一言爲定了

末早報佳音免我懸望丑突出末小生驚介末賢
弟從何方而來丑哭介你們的話兒我已聽見了
我方纔自家中來看秦哥在門首聽了半日你們
要往那裏去不要忘了我末程賢弟我二人並未
有甚麼話說丑哥你也這樣瞞神謎鬼的麼你們
纔說甚麼要吃糖要吃蜜的難道我也未曾聽見
小生想是程兄長已聞得了丑還是羅賢弟好偕
自從隋家作醬作屎的那一時分離來着怎麼今
日不告訴我你們就要溜了又哭介跑了走了那
元真那狗食的教我如何與他作處末賢弟我輩

三人原無二心只是方纔我與羅賢弟議論要歸
唐主恐怕你不依從故此未曾與你商議丑議甚
麼偕自楊家議到李家從李家議到王家何嘗得
了個好處呢有話實對我說罷我不會傳舌末賢
弟說那裏話來你若是也要歸降唐主我們無有
不攜帶之理但你現有家室在此如何敢強你丑
啐那老婆死一個再娶一個有甚麼難處之事到
了那裏要是有甚麼好老婆再娶他娘的一個何
妨末小生相笑介末賢弟一言爲定不可反悔了
丑悔甚麼要說謊長一個大疔瘡末賢弟言重了

小生小弟明日就要先行待等唐家如果有好處
小弟寄信前來二位哥哥再作區處可也丑羅賢
弟你要小心別人還好那單雄信要是知道恐怕
就不教你去小生小弟明日仍作打獵行徑從此
就要作別了丑又哭介你去的乾淨教我二人在
火坑裏等着好公道阿末大丈夫去就有理何必
作此兒女子態也唱

東甌令人去也欲留難單雄信空用心田寶馬雕
鞍明晝自當前他那裏若肯收借我鬻行方有便
此是功名各有一天丑若依哥這話我們少不得

畧等一等將來還是聚會一處了小生這是自然
全唱

尾聲英雄半世未能傳從此功成萬載稱然去去
西秦速報信舊賓朋猶是大家團圓末白後堂設
下酒席好與羅賢弟送行丑這個酒是要多敬幾
鍾的小生悲介來朝要與二位哥哥作別了末
痛介白程賢弟我們好苦也丑放聲同下

第四齣

外扮徐世勣戎服率眾上

起

信北

引自幼無賴好殺人六三為盜起征雲只因不棄

山東地始得高皇相見親白某徐世勣奉秦王之

令率兵先行前行已是河南地界不知可有敵將

把守報子上報啟先鋒得知今有鄭將羅士信率

兵阻路外再去探來外想介羅士信為吾昔日好

友如何與他爭持也罷今日各為其主只得與他

反目也眾軍兵就此前去弔場下眾旌旗擁小生

上唱

賞花時猛虎登山身有地蛟龍得水纔隨意只因

不忿東鄭王方起西行志方起西行志引衣帽堂
堂蓋世雄生長齊州古縣東自幼父母盡皆終養
身全賴秦表兄歷身功業戎馬中須陀帳下始揚
名身披重鎧有威風山賊潛逃無影踪張帥盡節
在金鄴委質元邃暫身榮那知王李相交征失身
東鄭作前鋒因得元真無始終故假圍獵向秦城
此去未知吉與凶且投大厦避狂風白自家羅士
信昨與秦程二兄商議假獵爲名欲投唐主今日
帥兵出城離却東鄭但恨無支箭之功何以進見
想介也罷聞得秦王出師兵伐東鄭我不免先到

秦王帳下投誠便了況其帳下有徐世勣者昔在
金鄴是一個相知好友自然收留也向衆介衆三
軍就此起兵投往秦王帳下去也衆應弔場外上
相見介外羅弟何往小生徐兄別來無恙外賢弟
或是奉命而來或是帶兵對陣小生小弟慕秦千
歲賢德之名不辭千里欲來歸順唱

元和令自別金鄴時懷抱傷難已東鄭輕人少高
低因此上投到莫心疑二主賢明真無比念前情
求于知己外賢弟莫不是前來詐降乎小生小弟
誠心慕名而來何云詐也大丈夫豈肯作此無恥

之行乎小弟自歸東鄭蒙他相待甚實親密自邴元
真歸降之後漸漸疎遠竟將小弟與秦兄長程知
節置之閑地我三人故此商議欲同來歸順奈伊
二人皆有家屬故着小弟先來歸降伊二人相機
行事亦欲來歸也外原來秦兄長程賢弟也要來
歸順麼多賀賢王又要得兩員虎將了賢弟少停兵
馬待愚兄與你稟過大王前去進見便了小生率
兵虛下生率衆上外接生介稟介臣啟大王今有
鄭將羅士信率兵五百前來投誠生驚問介怎麼
羅士信前來投誠果然是實麼外現在轅門聽令

生大笑介這是君父洪福齊天有混一之兆所以
這樣虎將也來投誠也唱

遊四門想昔日招之莫至到今朝自己來歸服應
是遊魚今得水果快人心意快心意欲定天下何
難之外啟大王秦瓊程咬金二人也有來歸之意
生如何見得外聞得羅士信有言伊二人不日也
要降服也生既如此快請羅將軍進見外喚小生
小生進見生起迎謙讓各行禮生歸坐小生傍坐
外侍立介生白何幸將軍不遠千里而來此乃君
父仁德所致也聞得將軍在王公麾下頗見重愛

爲何竟不辭而來小生臣呵唱

六么遍心懷大義欲從賢者騎大王英名天下盡
皆知他們枉自征持霸占山河各立在天之一隅
無知臣願主上莫心疑生孤家不過閑談敘問豈
有疑心者乎君父思賢若渴安得來而不收足下
高意小王自當爲君稟報也回顧外介快請羅將
軍後營歇息卸甲如有功自當爲君奏明聖上請
暫歇馬外應讓小生下生弔場大笑不止介快哉
快哉我方慕勇將不意今日有這般賢士來歸果
然是君父之福也唱

尾聲山東英俊盡來歸算將來顏面裏今果有光
輝回顧介笑煞那王世充空失衆望纔有這桓桓
虎士盡到王畿笑介妙呵妙呵待明朝再遣名將
接取秦叔寶程知節便了下

第五齣

副淨王君廓副末段志元持戈舞上同唱

來歸北

金蕉葉看來天下紛紛何時得個見真多少英雄
 豪傑有意要歸賢君副末白王將軍我二人奉王
 之命因羅士信所稟說是秦程二公今日要來歸
 順故差你我前去假交戰為名以辨分曉在下與
 秦公本是同鄉並未相識如有不測全仗兄長英
 勇也副淨白賢弟你我此來只當戰陣為先投降
 之事且莫說起我想秦瓊出身行伍為人最狡最
 猾豈肯輕易來歸我們且前去殺他一陣挫東鄭
 之威便了段白兄長說那裡話來彼若不是來歸

豈肯致書士信況大王的英名天下想慕伊二人豈有不真心來歸之理我輩且去假爭戰爲名看他二人如何作處副淨白到是段將軍言之有理我二人不免同去也起兵介衆軍卒上同唱

壘字三臺領衆去到那洛陽城闌且自招取那歸人旌旗幾對向南侵喚取那大將程秦功名共畫凌烟同作一殿之臣同作一殿之臣副淨白前行已是洛陽城下軍卒前去要戰同下末秦瓊丑程知節持戈率衆上唱

金蕉葉且將以假爲真此計果可脫身領兵假作

爭戰大家且去西秦末白程賢弟自羅弟去後你我更覺見疑于東鄭那單雄信累來煩瑣使你我不得脫身昨有羅賢弟信到說在彼處已假鄰國公之爵雖然未曾奏過天子想秦王待人另是一番景象了你我家小固然不得出城尙賴單雄信還算你我契友想是無傷他也當其中調護你我今日假出戰爲名正是利見大人之時也不知唐朝領兵者何人你我大家前去進見便了同唱壘字三臺這功名從此生新棄家園且去跟尋秦王納士肯招人自然富貴真自然也有爵勳此一

去好比作飛身直上重雲末白前面旌旗招展想
是唐兵到也副末副淨同上相見介副淨持大刀
突出厲聲介來將何名秦持鎗相敵介將軍擎手
請道尊諱王誰與你辨名辨諱撒馬過來你我効
死連三揮刀秦三架介將軍下將秦瓊是也將軍
可識羅士信否王誰與你士信不士信我自知你
是鄭將外持刀上王將軍請住手王爺有令如遇
姓秦者不許交戰向未介秦兄長可是來歸麼秦
下將秦瓊真欲投誠徐賢弟可好相讓介末白這
二位是誰副末白下將姓段名志元秦原來是段

將軍久仰大名況是同鄉這位高姓副末大將王
君廊爲人心性淳直一時得罪丑大聲持斧突砍
副淨介你這忌賢妬能的我們是叫小人鬧怕了
才來投降的你怎麼見面反到殺起我哥來了狗
食的有力量試試我老程王怒介二人大殺介秦
阻程段阻王介外白這成個什麼道理二人皆怒
不了介外白你們這是怎麼處問末介秦兄長須
要擔代末徐賢弟這位王將軍好莽壯也外勸副
淨介王收兵器一傍立介丑大叫介徐世勣你這
沒良心的怎麼教這麼一個蠢東西迎接我們外

這是我國有名的一員大將你如何說得起他是
蠢材似你就蠢不了了自別以來賢弟可好丑好
是好只是不耐煩了外向末介秦兄今日可是真
正來歸順麼末在下誠意歸順願賢弟攜帶棄鎗
拜外介外答介外副淨副末各見禮介丑突然撇
斧拉外衣哭介徐哥你可好麼外方纔爲何不問
丑我這會子氣才平了想起來了外向末笑介程
賢弟還是這等忠厚末不過畧蠢些耳賢弟擔代
外秦王聞秦兄長大名如同轟雷前聞士信之稟
心焉嚮往見于顏色兄長此去不失封公之位也

丑要是封弓莫忘了我的箭衆大笑介王白適纔
冒犯秦將軍且請寬待末原是兩國相爭與將軍
何干段白秦將軍久仰大名今日方得一敘實是
我輩之幸也外此處不是敘話之所且請二位同
歸大寨見王駕去也但不知所率兵卒願從否末
向衆兵介爾等可願隨我降唐麼衆跪介我等皆
願隨將軍鞭鐙末如此爾等跟我前去便了衆兵
下衆同行同唱

麻郎兒算來原是一家人這幾載各處離分且前
去敘些殷勤見賢王敘些殷勤外白前行已到轅

門待我稟過千歲大家進見便了外下衆恭候介
生率小生士信淨屈突通亦隨上生白秦將軍今
在那裏末迎相見禮介生白久仰將軍大名如轟
雷貫耳渴慕之至不想今日相會我李世民好萬
幸也末草莽之臣棄舊而歸何煩千歲過獎不因
反臣而加誅戮卽罪臣出于望想之外也叩頭介
臣此來真嬰兒得母矣生扶介白秦兄真豪傑也
可爲見機而作不俟終日君父念公非一日也未
臣何敢當生白這個醜人是誰丑扶地介臣程咬
金隨着秦哥來見千歲生這就是程知節麼拱手

介久仰久仰丑臣是誠心來歸望千歲不殺才好
生豈有此理孤非那等人也笑介今朝又得一虎
了丑臣不是虎不過醜些生孤所言者秦兄耳尊
駕亦是驍將然非虎也向末介待孤明日回朝奏
明君父衆位將軍且在營中等候便了下衆相見
末指淨白這位老將軍莫不是屈突元帥麼淨豈
敢相揖介外啟元帥千歲明日回京我等且去相
送況今日故人同會國家今有四虎矣唱

尾聲多年歲離別又相親方顯英雄能識人淨白
徐將軍我們治酒與秦將軍接風也唱待分輝月

五虎詩卷上
下功名成就今日裏大家義氣可凌雲衆同下小
生末丑相見喜介白二位哥今日如何相笑介下

第六齣

生上朝服二內侍隨上

拜

闕南

劍器令綠柳拂旌旗但見那月落星稀且前去急
束朝衣待漏在金階地白孤家世民自伐東鄭去
了數月奈賊把守堅固並未得其尺土而歸可喜
者收得他勇將二人戰將一人昔人云得人者昌
失人者亡諒世充巫姬之習豈能成其大事今日
回朝將他三人事奏聞君父使彼皆得官職好
再去與師可也正當早朝時候不免在丹墀等候
君父陞殿者虛下丑扮元吉朝服二內侍隨上唱
前腔背聳與頭尖三胡名到處皆傳用多少舌鎗

攪亂總只要把君王賺白自家元吉小名三胡爵
列齊王心猶不足奈行次居少又無功業于朝欲
想將太子秦王治死方稱吾意我如今且假與秦
王交好用言語打動于他他若肯治死太子那是
我便上一本說道以弟殺兄君父自然要正國法
秦王也是難保了其餘雖有滕霍諸王位分無我
之長這錦繡華夷豈不屬了我老三坐坐雖然是
這樣說但我身無寸功也難作處也罷我曾學得
一身好稍何不奏明君父向太原一帶把守堵攔
定陽可汗一賊也可有些戰功二來好選些美女

那方受用有何不可前行已是丹墀不免朝房恭
候虛下內鐘鳴二內侍持節虛上介生丑同上行
禮介生臣秦王世民丑臣齊王元吉同拜賀介內
秦王出師東鄭爲何不召而歸生臣子出師數月
並未得其尺土奈彼處把守甚堅臣今回朝爲收
得兩員名將一員戰將特來奏聞內收得幾員戰
將何用秦王親自來奏生唱

皂羅袍論戰士原非奇也只因求干城真莫易肅
肅免置在當時南宮适文王重之千生萬死攻城
畧地敢勇前直真非兒戲經多少朝來暮去內據

秦王所論欲將何爲生唱

一封書臣今缺銳士何以能去爭持志元君廓固無疑突通開山與世勸伊三人運籌帷幄尙能之領兵將少英姿還須梟敢萬人敵內不知秦王所收者何將何人生臣所收者一名秦瓊字叔寶平陵人也一名羅士信齊州人也皆是東鄭有名上將更兼程知節者東阿人也亦善馬稍內秦瓊何如人也生唱

五韻美隋將名垂來護兒帳下軍士在昔日隨征高麗曾把功勳立英名果無比魯明月喪膽當時

張須陀心專寵愛之況有舊德君父曾知內原來就是隋將秦叔寶朕昔在太原時久知其名伊不恤妻子而來歸真豪傑也使朕肉可食當割以啖之子女玉帛何足論哉可卽封爲翼國公之爵以獎勵來歸者那羅士信何如人也生唱

前腔十四悍威長白山生縛賊歸曾把那重甲身披煬帝畫圖以表之陣伏裴仁基李元邃深爲相知副須陀到處裏奪旗名聞一時今日來歸內羅士信英武朕已知之可授爲陝州道行軍總管生臣世民曾於軍旅之際假過他鄰國公之爵特此

奏聞內秦王既已假過他國公之爵可即封為鄰國公可也那個程知節又是何如人也生唱

解連環知節呵聚眾鄉里保李密身領驃騎只因為身感知遇叠承騎抱行儼身出重地因慕德特

來歸義內程知節既慕化來歸也授他為馬軍總管可也生謝恩介唱

前腔念君父恩深無地奈伊等自當效死可喜那多少英雄一朝歸封爵賞今稱至矣好使他軍前

盡力內秦王所奏朕皆已各允行可將內庫金帛多賜伊等駐兵一月再去興師也丑臣元吉奏聞

近聞定陽可汗劉武周山後嘯聚甚不安寧臣願領兵前去坐鎮太原以分陛下之憂為二兄長之一膊臂也內據齊王所奏亦甚有理准其率兵一

萬鎮守太原甚不可騷擾百姓也丑唱

大齋郎元吉的元吉的今奉征討他方去願君父壽比天齊且辭朝去千里行師內奏事已畢眾臣

散朝可也二內侍下生向丑介御弟你也好志向也丑老兄小弟自幼學得馬槊並無有施展的地

方見老兄屢次出征實在也眼兒熱了生方不愧一母同胞也生唱

尾聲君去太原相爭討自有佳音報待我洛陽回
攜手同歸老丑老兄過獎小弟不知還是如何丟
醜呢今日天氣已晚大家歸去收什便了相讓介

下

第七齣

旦扮長孫妃二宮人隨

勞軍南

祝英臺近柳色青桃花亂春色幾林柔昨聞賊勢
猖狂洛陽候身作王妃貴品豈可不愛兵如子使
他們忠心報酬引嫺淑本是婦人當三從四德美
名揚只因心念征人苦故代賢王下教場白妾長
孫氏昨因王駕自洛陽歸闕不日又要出征欲將
本府貲財做爲征衣以資將士奈王偶感風疾未
得頒賞妾思兵士之心豈可失之于一時況做征
衣之際伊輩未嘗未聞豈可作此出納之吝乎故
稟明王駕代王慰勞回顧介官人宮應介曰你可

將內侍們喚來宮內介娘娘有旨宣內侍進見
內應介衆內侍上終日伴宮幃朝晨夕落暉進見
介衆內侍叩頭願娘娘千歲曰內侍我教你們准
備車駕前去勞兵可曾齊備了麼內啟娘娘齊備
多時了曰如此看輦內傳呼車夫輦上曰陞輦行
介同唱

前腔定天下須賢臣失却更難求且向郊原車馬
相馳驟何如簾幕東風深閨內院聽閒禽聲聲復
奏內啟娘娘前行已是教場請娘娘下輦曰下輦
陞將台介上得台來你看紅雲陣陣殺氣騰騰妾

乃深閨弱女何嘗見經內侍可將征衣頒賚命衆
將領下各散與兵丁也唱

祝英臺序這征衣費盡了多少佳人手蠶絲將老
桑麻事業宛轉的在機頭休休剪却那宮中妙手
作出來當風厚將來散與衆軍人消受白內侍可
教衆將當面賜之內喚衆將上各低頭俯視介願
娘娘千歲同唱

換頭衆侯皆虎士立功名佐王同起手風前鐵甲
月下征鞍這苦楚實難酬甘受多少風塵苦楚何
人得個閒時候這征衣聊作酬勞爲壽衆謝下分

五虎詩卷一
與衆軍介小生扮軍士衆同上分衣介小生從袍
中得詩一首介小生私讀介沙場征戍客寒苦若
爲眠戰袍經手做知落阿誰邊蓄意多添線含情
更著綿今生已過也重結後生緣小生驚介持詩
稟本隊將介將稟內侍介適才有一軍士于征衣
中拾得詩一首奉請老公公轉達娘娘可也內侍
持詩稟介白啟上娘娘征衣中有宮人作詩在內
且拿來我看看詩介同唱

祝英臺序這詩篇幾曾兒落于軍士手應是宮人
多少閒情欲與何人邂逅羞羞此人兒未出宮闈

因何浪尋花柳筆痕兒浪寫嬌艷難留且白我將
此事稟明大王知道將此人治罪可也復想介且
住唱

換頭凝眸細思之我心中一時真難受月下獨眠
窓前孤枕此事最教人愁難守受那些凄清孤冷
一般心事誰投這宮人應想終身鸞儔白呀我想
此人應有心意如若報與大王治罪甚覺可憫不
免將此詩帶向宮中細加詢問再作區處便了內
侍看輦回宮內侍應介備輦衆將士跪送介同唱
尾聲且歸去晚雲流本來勞將士又得了個宮人

王虎言卷上
邂逅原來是有恨難酬下

第八齣

丑扮元吉執槩衆兵隨上唱

奪槩北

光光乍離却西八水去太原在咫尺空想嬌娃隨
心喜竟弄成了個軍旅白自家元吉的便是前已
奏過父皇把守太原誰知到了這裏連一個姣娃
子也未選出反聞得劉武周帳下出了個活鬼黑
眉烏眼活像個烟燻的太歲歎介咳聞得此人勇
不可當自看槩介不知我老三的這個槩還敵得
過他敵不過他也罷既然領命而來少不得也要
試他一試馮立謝叔方何在副末扮馮立副淨扮
謝叔方上聞得大王叫叔方馮立到馮立謝叔方

拜見大王丑白二位將軍近聞得劉武周帳下有
個黑炭頭勇不可當不知我老三槩敵的他過啣
敵他不過大家商議商議好去行軍也二將白大
王乃萬人之敵就是西府秦王也要遜讓一步其
餘者何足論哉丑得意介你們看還是我呀啣們
大家還不殺上前去等待何時虛下內鳴鑼鼓大
吹介淨扮尉遲恭領衆上

引殺氣征雲貫斗牛軍前一喊萬人愁幾年枉把
功勞立一片忠心無所投白俺覆姓尉遲名恭字
敬德朔州人也幼多落魄爲定陽可汗帳下前鋒

爭奈與元帥宋金剛有些不睦昨差我與尋相兄
弟分路攻取太原聞得唐朝有個齊王元吉在此
鎮守尋相賢弟已去攻取介休等處我只得領兵
前進也唱

點絳唇烏馬長鎗多少戰場心雄壯英雄猛士不
死也帶傷白軍士前行什麼地方軍白啟爺太原
城外淨白你看太原城勢雉堞嶙峋萬家烟火好
不富庶也到如今阿行介唱

混江龍人跡潛藏餘蕭蕭落葉飛揚天涯征雁望
裏淒涼徒懷才與那抱智將這猛勇作心腸空凌

雲劍氣雄心欲直上赤手臨敵奮身敢去撞那怕
那千層鐵壁萬重刀鎗駐馬介

油葫蘆我也曾在紅塵中一身飄蕩見那些個黑
幽幽終日家效死臨戰場我雖要欲待把這雕鞍
暫放爭則無奈又恐怕敵勢張狂似這般渴飲刀
頭誰知況我征衣兒何時解萬里空自奔忙回首
處見碧天無際山光漾轉覺得無聊兒滿懷奮氣
任淒涼白衆軍士前面可有兵馬無有軍登高眺
望介啟爺前面有一枝兵馬淨快打听來何人領
兵丑帶兵上軍稟丑介前面有兵阻路各列陣丑

淨相對介丑阻路者何名淨對陣者何名丑是你

三千歲爺爺淨原來是元吉你是誰家爺爺我覆

姓尉遲的纔是你的爺爺丑作勢介原來就是這

黑炭頭我說這等利害回顧馮立介馮將軍快出

馬馮出馬淨問介來將何名馮大將馮立淨撒馬

來戰一合馮敗下介丑伸舌介果然利害謝將軍

出馬謝出馬介淨來將何名謝大將謝叔方淨撒

馬來戰一合謝敗下介丑搖頭介辣得狠辣手辣

手他們都跑了料那一對孱弱不濟之物何足論

哉還得老三前去撒馬向前介淨元吉你也要交

戰麼唱

天下樂笑殺那鼠竊來登狼殺場丑白你三千歲

爺爺的英勇你那裏知道淨唱謊也麼謊人前

弔謊看你也無甚麼雄壯丑舉槩介白你看我稍

兒何等利害你偏不怕我把你這黑炭頭淨唱你

小小稍兒怎能當俺這一條黑纓鎗丑白不信試

試淨唱從沒見無知輩這樣的顛狂丑白湯一下

子教你半個身子就去了淨唱

哪吒令空說那若大的皇唐用一箇奶光丑白你

如何說是奶光子我看你到像箇夯牛撒馬直撞

淨奪其稍丑下淨唱冤種忒荒唐無個將軍樣丑

換稍復上白我不信我不信方纔使猛了勁被你

這黑炭頭盲雞啄粟悞撞了一嘴去了你試試我

換的這個稍兒比先更沉些你自然更當不起了

淨唱總沉又何妨我有奪稍方豈肯輕容讓豈肯

的輕容讓丑白誰要你讓我好容易學了半輩子

來的槩怎麼輕輕兒的奪了去氣煞我了氣煞我

了淨唱你半世學刀鎗這技藝可也算忒平常丑

白你的本事並未施展出一點來如何知道我不

如你可先扎我一鎗試試看我如何殺你淨持鎗

直刺丑搪不住磕落稍介丑大叫白換稍來換稍
來軍士送一大槩介丑白這個槩兒重一百六十
斤壓就壓死你這黑炭頭了淨唱

鵲踏枝一些兒也不妨兩次裏忒奔忙誰似你無
知小子敢與俺猛虎來撞丑舉槩輪介白你看這
樣大槩我還這樣輪他你的鎗到像一枝秫稽如
何是我的對手呢淨唱謊也麼謊那狗也上牆敗
家種真也堪傷丑向前淨打落稍介丑白不好了
三根稍兒都被他奪了去了這事怎了不如跑他
娘的罷跑介淨白你往那裏去急向前扯丑丑脫

介淨白可惜跑了這雜種只得了他半截玉帶持
半截帶唱

寄生草他是一國王算來真孽障把三枝鐵槩兒
教俺奪來忒荒一條帶子兒教俺攜來手掌竟像
一溜風跑去失却爺娘看來唐家不知用人也却
拿這樣狗彘般竟守封疆白衆軍士就此攻取太
原揮兵下丑復狼籍上馮絡手謝包頭上相見介
丑你們這孱弱不濟的狗食的一合就跑了我與
他鬧了半日不過拐了三根稍失去玉帶半截並
沒有着傷比你們如何馮謝下將二人實不是尉

遲恭對手馮立被他一合便把膊臂磕折叔方被
他一合將腦袋震破況大王這樣英勇尙且失了
半截帶子三根稍兒我輩何足論哉丑噯呀呀果
然利害呀頭兩下子我還不信到了第三下子我
半邊身子都麻了如今太原也失了家也回不去
了這事怎了猛想介有了有了何不同去見了君
父保舉李世民前來試試他的手段連我這樣漢
子尙且不是他的對頭想來李世民准死在黑炭
頭手內也同唱

光光乍槩兒丟三根帶子少半喇只落得個光光

乍只落得個光光乍丑白三根鐵槩被人奪一條
帶子也揪折馮謝白叔方頭兒震破了馮立膊臂
去半截下

第九齣

生扮秦王外徐世勣乘馬隨上唱

夜追南

步步嬌為着家邦兵勢危淒涼晚景輝千山萬山

裏征鞍夕對愁意頻堆不見信和音夜來空率孤

軍旅引日色向西垂外紅輪影漸歸生東方明月

出外玉兔起含輝生徐將軍昨聞邊報齊王自太

原失利君父甚覺憂之我本欲征世充聞此信甚

覺不快因思霍去病漢廷一將尚欲効死况身為

宗藩豈可不當用命因此奏聞父皇未伐東鄭先

定定陽今雖出得潼關你看天色已晚月漸東升

又未聞得賊人信息好不悶人也報子上報稟大

王今有賊將宋金剛率兵取了介休留尉遲恭尋
相把守親率大兵來取潼關也生聞報急令衆軍
束裝介向內云衆將官就此率兵連夜進勦外今
日天色已晚請大王暫停車馬明日再與賊去爭
持可也生唱

忒忒論用兵須用神奇用神速豈可遲遲若待
明朝恐賊有所知出不意攻不備古言之若不然
遲則恐悔向外介急令軍士吃了戰飯就此進勦
也外稟介軍中糧米都未赶到只餘得瘦羊一隻
如何可以行軍也生但恨人不効死耳昔有云爲

國者忘食可令軍中急將瘦羊煮熟大家分食未
大王御膳也未曾到生爲將者與軍士同甘苦孤
何必自尋飽也唱

園林好瘦羊兒堪可同吃但願你我効死而已若
破了賊自有食須早把兵兒起須早把兵兒起外
持熟羊上介羊已煮熟請大王先用生馬上食一
片肉介將去分與衆軍可也外送軍下生揮軍士
白衆軍卒須當奮力也外上生徐將軍可將令箭
一枝後營喚取秦叔寶我自然有密令外向內喚
介大王有令喚秦將軍出馬未扮秦叔寶上一身

勇敢萬人敵欲立功勳在此時見生介大王令小將有何見諭生秦將軍可分兵五千就此連夜速取介休孤還要與宋金剛爭持也唱

江兒水介休多富庶今被賊人取恐他軍陣多糧米若不急急絕其基恐到他時生虎視教我如何不急攻之要事非將軍別者豈能之白聞得賊將鎮守介休者乃尉遲恭也此人勇力過人乃萬人之敵非將軍不足以當之就此起行可也秦領令下生前途兵馬想是宋金剛大兵來也唱

尾聲攻取果難爲况當良夜裏仗威風教他今已矣教他今已矣白爾等可前去連夜劫取賊營者外衆應同下

第十齣

副淨扮宋金剛上

敗賊北

引忌賢妬能領賊軍終日爭持慣殺人白自家宋
金剛奉定陽可汗之命取了太原留尉遲敬德尋
相往守介休我今率兵攻取潼關也前行已是黃
河渡口天色已晚不免屯兵暫駐一宵明日好過
河可也下生率外衆上唱

新水令一鞭山色帶餘暉對斜陽風雲成隊舉目
河流黃回首潼關內定江山豈懼那梟雄巨賊白
聞得賊人對岸扎營我等不免偷過黃河便了衆
軍士外衆應介生爾等就此過河衆過渡介生白

今已過得河來可巧日色已垂月光暗昧正是劫
營時候了率衆劫營介虛下副淨率衆急上不好
了李世民連夜劫營我兵大敗不免投奔介休資
其糧米養全銳氣再來出征也唱

駐馬聽敗軍難矣鎧甲翻披鎗倒持軍多不利回
頭不見黃河水資糧米介休前去養威風再來攻
取怨虬鬚這般英勇直無比白衆軍卒我們且向
介休屯糧再來攻取便了衆應同下生上白聞得
宋金剛敗奔介休我們大家趕上前去唱

折桂令出其不意賊人方睡連夜裏惟恐莫及殺

得他無處投地急馳征騎攻取莫失時若過了今
期再待明朝誠難矣聞得他向介休去過其歸路
且莫猜疑埋伏此處始見用兵奇白就此等待賊
兵副淨率衆上生率兵相攻介賊驚介李世民從
何處而來迅速至此果用兵如神也事已至此少
不得與他死戰一場對陣介副淨來將何名生吾
乃秦王是也副淨與生戰介同唱

沽美酒自古英雄豈有並立今日裏相敵仰見東
方出紅日天明矣兩地相持費多少登山涉水副
淨敗下生令外介徐將軍你可率兵急將此賊追

獲我又要分兵幫助秦叔寶攻取介休去也外領
令下生弔場唱
尾聲抵死與爭持方得敗此賊一夜之間兩敗之
衆軍士食得瘦羊兒一隻下

第十齣

未扮秦瓊衆旌旗上

良川北

引欽承王命向敵征輕騎飛捷舊有名自古英雄
不並立敢將賊首獻奇功自家秦瓊奉秦王之
命攻取介休路過美良川聞得定陽前鋒有個尉
遲敬德乃萬人敵也他的雙鞭自來無有對手俺
秦某也有半世英名不知與他交兵之際勝負若
何也唱
夜行船半世爭持無對手立奇勳須在今時候日
臨高柳遠望凝眸不見那征塵驟白衆軍卒就此
向前征勳唱

慢金盞空回首紅塵奔走幸作了國公天垂佑颯
爽英標功業方有垂紫綬對陣時兩相爭鬪彼此方
知前後虛下淨扮敬德衆旌旗隨上奉令守介休
又去相爭鬪前向美良川要當天下手白俺尉遲
恭久聞山東猛將秦叔寶誰知他又降了唐朝但
未曾交手今日之際俺尉遲恭不知可能敵得過
他的雙鎗也罷且自殺上前去虛下末復上白
自古用兵要出其不意攻其不備今聞得尉遲恭
率兵阻路我不免分路夾攻使他首尾不能相顧
彼雖勇似重瞳亦不能當此兩面也唱

萬花方三臺聞敵至卽馳驟兩路分兵各先後一
路一路扼其喉攻不備向前疇他怎能兩路相應
候一般殺氣向西風持弓彀貫斗牛手擎雙鎗相
爭鬪下令介衆軍士就此兩路分兵攻其不備也
唱

播海令馳驍騶渡山邱快如流奔馳急遇敵手今
智取盡人謀任他萬馬千軍安走笑煞他那勇獵
貅料難當我這樣獵貅白就此前進便了衆應介
末舞鎗唱

青天歌公事到頭不自由到處裏會無敵手今日

個奮身用計諒他一勇豈能儔白衆軍士大家須
要盡力也率兵衝入介淨上介夾攻介淨大敗介
未白你看殺得他僅以身免我此行好似渭水大
戰也但不知伊手段何如不免單身追將下去與
他惡戰一場方定我二人高下也想介看來尉遲
恭遇着這樣勁敵尙能孤身而逃手下兵卒雖然
爲我殺盡可想也是一員難鬪英才如若勝他竟
自放他前去伊若有來歸之意那時一殿稱臣豈
不美哉唱

尾聲看他勇似重瞳應知無人敵手若非我秦瓊

誰與他交刃且把義來留下

五虎詩卷上

五

